

唐確慎公集

冊三

唐確慎公集卷五

稟移示諭

核議富川縣保甲條規稟

案奉牌開道光十二年閏九月十九日奉撫部院批據富川縣稟呈撫綏民謠事宜舉行保甲鄉約各規所擬是否妥協飭令核議詳奪等因奉此某竊謂治民之道本乎人情一縣有一縣之人情一鄉有一鄉之人情合乎人情則令行禁止不合乎人情則雖善不從富川縣十三源謠人由來已久耕讀與民人無異其登庠序者極有俊傑之士每問其籍則諱言謠是當以民治之不當以謠治之也某遵查抄粘單內開該縣李令所稟事宜章程如曉諭良謠嚴禁匪類等件皆係各大憲飭令奉

行之事自應認真辦理其鄉約規條如給門牌編保甲立約長完徭糧亦係舊章惟十家牌一條稱每日酉時甲頭持牌到各家查詢某家今夜少某人某家今夜多某人務須審問的確似此煩瑣恐添擾累應毋庸議其稱甲內有別處徭人遷來居住者該徭自詢明來歷連環保結又稱不務正業者約長率同甲諸人指實勸戒又稱民徭一時小忿不平之事鳴之約長公論是非曉諭解釋又稱胥役弓兵無業游民在鄉滋擾者約長稟官嚴究數則均爲整治地方起見自屬可行總之政以實不以文法貴簡不貴煩而措施之當尤在體察人情富川縣之熟徭實與民一體不可異視謹守保甲團練之法實力奉行而於蠹役劣衿地棍土豪

巨盜積賊時時留意去民之所不欲興民之所共願則地方自臻安靖而閭閻同樂昇平是否有當理合將該議緣由稟陳察核

辦理柑子冲徭匪歲事擬善後事宜八條稟
一量移倅伍賀縣桂嶺錯壤江華南鄉緊界連山彼二隘離縣城寫遠大會墟一縣丞不足以資鎮壓舉平樂佐貳官權衡之則郡城糧捕通判可移至桂嶺南鄉適中之大凝地方駐札其大會縣丞即可移駐平樂縣之沙子街而通判所管平樂之兵糧即可歸入平樂縣征收其通判在大凝即可酌請爲分防理事之缺平樂沙子街一帶號稱盜藪以縣丞專任捕務亦實爲地方之益

一熟籌備守南鄉桂嶺界連兩省平時緝捕已覺

此追彼逃倘或有警更形左支右絀較之麥嶺尤爲要隘富賀營都司住在賀縣城內距南鄉桂嶺均有二百餘里無事可指麾自如有事恐鞭長莫及不如移於桂嶺南鄉適中之大凝地方與通判一文一武相爲鎮壓似亦慎重邊圉應爲籌酌之事

一禁止巫師愚惑善良其術不一而巫師爲搖人肇亂之由巫師神其說於鈴劍傳其妄於盥水凡搖生而成人巫師爲之挂燈有病巫師爲之超度有子巫師爲之加職人人信之謂巫師鈴劍一搖盤王卽至陰兵卽來福壽可得災患不生卽火礮兵刀皆不能害此趙金隴盤均華之所由聚衆滋事也非禁之不可但愚無知驟而去之恐反致擾

亂自應先行確切曉諭擇一二明白者使之轉相傳告翻然知盥水之無益鈴劍之無神而又加以例禁之不可干犯自可由漸而止矣

一查收鎗械深山窮谷野獸山猪敗苗害稼在所不免故猺人於鳥鎗刀戟若視爲應有之物一有蠢動器械不待外求此宜設法查收而迫之則恐生變其如何諭令呈繳或出價收買實無良策況地方官多避處分匿不肯言將就了事更可慮也一嚴防擾累粵西山土多屬官荒猺人越境而來逢山卽種而地方濫惠及營縣兵役或僞稱地主或捏取山租多方愚弄使不安生洵爲猺山之害昨柑子荊竹等冲被脅投誠訊明放歸者原屬良猺誠恐匪徒藉端入山欺陵魚肉極宜嚴查重究

是在地方官隨時以訪察也

一妥爲訪查凡居民鄉村墟市有鄉正地保鄉約
甲長墟長街老所以禁暴防奸也山居搖戶或十
數家或二三十家亦應選擇一人爲頭人其連縣
至於數沖則當舉才識出羣者爲總頭人然知之
不深擇之必不當是在附近村莊曉事紳耆所居
旣近所悉亦周訪得其人任以稽查衆搖之事時
常加以勸諭爲之開陳彼頭人旣知義理卽可轉
告衆搖戶由是察明淑慝編出清冊有過山新至
者聽頭人詢查來歷善者出與保結添入冊中每
歲冬季總頭人率同衆頭人持清冊當縣堂呈繳
該州縣官酌給紙張腳費分別能否功過加以賞
罰凡營縣兵役不得擅入搖山遇有訪查之事屬

之紳耆可也

一恩恤窮乏山獠生息在山包穀糠粟雖較稻禾稍易爲力而遇天年暵旱所收歉薄窮乏不能自給者恆有之此宜與民戶旱荒一體查辦給與撫恤方不至流徙而無所歸也

一振拔秀良人爲天地之靈雖山獠亦必有穎秀可教者卽如巫師一項所演牒文固屬不經之語而其識字則與凡民同使變巫師之邪說爲士子之正經亦何不可入黌舍而遊泮水而士民每嫌其異類多阻遏其考試不知物尙可以同與况本同爲人乎其實屬善良種山幾年卽准其入籍考試之處並爲奏請添設獠學必從寬酌定以示樂與爲善亦暗中化導之一端也

稟查禁水手滋事章程四則

案奉憲臺行準部咨御史章 奏請查禁糧船水手恃衆不法一摺欽奉

上諭嗣後糧船所過地方著沿途各督撫派職分較大之營員酌帶兵丁一路接遞巡查遇有水手滋事立即嚴拏有犯必懲毋令一名漏網等因行道欽遵令即嚴督押運廳并各幫重空二弁議立章程隨時嚴密稽查約束如有前項不法水手滋事立即會同所在地方文武查拏究辦將如何防範緣由具稟察核等因

職道

伏查糧船水手恃衆

行兇械鬪殘殺滋生事端節奉各憲臺奏明加重治罪法律極嚴無如該水手人等冥頑性成怙惡不悛近年以來仍復如前沿途搶奪藉端起釁聚

衆恃强屢成巨案實屬兇頑已極竊查一唱百和
乃有渠魁肆虐逞兇多恃器械此防範不可不加
嚴稽查不可不加密也

職道

上年督運沿途細心

察訪有應行禁約各款謹撮爲四條稟請憲裁
一各幫水手皆有頭目不可不確查也定例水手
不過九名而重運自瓜洲口以至抵通每船所添
繹夫多至二三十人少亦十餘人每幫約五六百
七八百人不等有無賴兇棍或老安支石安支石
安支中强悍之人爲頭目謂之拉頭船凡數百人
聽其指示每人拉若干里派錢若干一經披定卽
不敢違謂之披溜子其沿途搶奪逞兇圖財害命
皆聽拉頭船指使若某幫與某幫爭窩鬪殺則拉
頭船爲之率領指麾至其勒索幫丁陵虐行路猶

屬常事日復一日年復一年但不顯然械鬪如廬
州二幫之案卽疊次殺人無有能知其姓名者此
應責成各幫重空運弁暗中確切訪察務將拉頭
船人姓名年貌住址查實無論滋事與否於重運
渡黃時通稟存記一遇水手犯案不難按幫查拏
免致臨期費手使正犯得以脫逃也

一每船悶艙藏有器械不可不盡搜也定例押運
糧船止準重空千總各帶鳥鎗一桿其餘軍器不
許攜帶如有私帶銃礮并多帶鳥鎗將失察之該
管官照失察銃礮鳥鎗各本例分別議處可見例
禁甚嚴除兩千總各帶鳥鎗一桿之外糧船本不
許攜帶器械近日拉船水手多屬無賴匪徒動輒
逞兇肆行殘害恃器械爲護身之符卽爲拒捕之

柄凡所藏鎗銃刀戟皆在船頭悶艙中緩則祕之
不宣急則挺而爲險幫弁知之不敢問地方官知
之不敢查誠以其人衆其器兇也然平時無事未
嘗不畏法律未嘗不服盤查可否卽於幫船過淮
驗時將悶艙逐一搜尋凡屬刀銃等物全行收燬
并出示曉諭此次免其治罪如再怙惡不悛下次
仍敢攜帶按律從重究辦不貸庶幾虎翦其翼蠆
去其尾而寬其已往戒其將來或者自新有路改
匪爲良卽不然挾持無具亦可戢暴於未萌矣

一沿途按遞巡查所有營兵不可不核實也南省
糧船自水次開行抵通經歷數省節節應有本汛
及加派營員帶領兵丁兩岸彈壓分段巡查然某
處至某處係派營員何人派兵若干名並無文書

知會若倉卒有事從何會營登時查辦一俟輾轉
找尋或數十里或數百里方得接應則有需時日
已緩不及事矣應請將各省所派各處弁兵先期
知會督押道廳庶幾隨時有備見犯必懲不至有
遞送之名無巡查之實也

一沿河斷肢殘體雖無報案不可不存查也凡糧
船水手繙夫非無籍窮黎卽兇頑刁面見財則因
貪致殺鬪氣則逞很爲讎往往戕害相尋殘忍特
甚黑夜斃命投棄河中所在時有而聞垣官因無
來歷惟恐惹事地方官因無報案置若罔聞以爲
可省公牘不知益長兇殘此宜責成經過沿河州
縣遇有浮屍一面驗明交保甲收埋標記一面嚴
密查訪一有端倪卽報明究辦庶使殺人者有所

償命而玩法者亦知所做惕矣

以上數條謹就

職道

見聞所及肅泐具稟是否有

當統祈憲核示遵

糧船水手撈十字河沙不便稟

竊奉憲牌開山東河部堂吳會同山東撫部院鍾
附

奏嗣後十字河淤沙由漕臣嚴飭各幫幫同廳汛
撈挖緣由相應抄錄移咨查照轉飭各糧道及總
運官遵照辦理等因到本部堂准此查十字河道
淺阻臨期責令幫船水手協同撈挖是否可行向
來有無成案合亟飭議等因奉此竊查糧船渡黃
行五百餘里有彭口十字河在韓莊夏鎮之間爲
滕沛交錯之地近因水淺沙淤糧船到此阻滯上

年浙江江西湖廣各幫守候撈挖至數十日自應
該處河員於冬間水涸之時極力挑濬於春夏水
漲之際刻期趕撈庶幾河爲運設運亦因河速也
自泃河通運以來彭口十字河從未聞有水手自
行撈挖之案且以幫同撈挖責在水手詳度事情
細審機宜

職道

愚昧之見恐有難行者四恐有不

便者五糧船舵水例定九名拉舵攔頭扯篷撐篙
頭犁艖犁下毛帶緯只覺事浮於人不能人浮於
事安有二三名餘賸水手以幫補撈淺不足之河
夫卽謂每船添設緯夫亦皆係按里段隨處僱添
住船卽散行船卽來斷不能責以撈挖之役此難
行者一也水手習於駕船不習於挖河欲使之出
力而無如非其所素能欲驅之從令而無如非其

所當役糧道廳弁皆該管官也戒其停留可以號
令催促禁其滋擾可以法律懲治若幫同撈河一
事既不在號令之中亦不在法律之內倘若誤
將治之以何罪此難行者二也竹筐爲撈沙捷便
之物東省撈沙似應多備竹筐不必專責之於幫
船且此物雖粗器亦須用錢購買糧船簞纜槓具
一一皆有開報今飭諭各船備帶鋤筐其價值無
從籌辦支領此難行者三也夫船撈淺是其專責
乃晝夜撈挖未能十分迅速惟糧船用筐撈沙事
半功倍頃刻深通則專司其役者反不如幫同之
喫緊是河夫可以卸責而水手反難逃罪若一旦
撈挖不通將不問河員之辦理何如只治重空之
督挖不力矣此難行者四也糧船爲 天庾正供

行走皆有例限無晝無夜帶纜前行稍有停泊卽加催攢今令於十字河挨船撈沙旋撈旋淤旋進旋阻前船難於一通後船安能超越以視夫先期撈濬通暢隨到隨過者其遲速爲何如哉此不便者一也舵水駕運糧船刻刻皆宜保重防風防浪防碰防淺手眼必到而後安放不差若舍其本役責以他事萬一照料未周船遭損壞賠米賠船其能曲貸乎此不便者二也四五月山水漲發洪流捲沙傾瀉而來數十縵夫迎波逆挽欸乃數聲所行不過一二步况當閘口衝溜停立不住卽將陷入泥沙尙能隨進隨撈從容著手乎此不便者三也韓莊八閘百餘里河面旣窄河底復淺多有阻淤之處而彭口十字河其尤甚者也一船滯塞